



Gratis Distribution

# SIRD & PR MIZORAM NEWSLETTER

Vol. XV Issue No. 8 August, 2024 : Monthly SIRD & PR Newsletter, Mizoram : Aizawl

## LAWRKHAWM

◀ Lunglei High Powered Committee (HPC) Vice Chairman, Lunglei North Bialtu MLA Pu V. Malsawmtluanga chuan 12.8.2024 khan Rashtriya Gram Swaraj Abhiyan (RGSA) Scheme kal tlangin a bial chhunga khaw 3 - Mausen, Zotuitlang leh Kanghmun South VC-te hnenah computer set a hlan.

Bialtu MLA chuan VC-te'n hmanraw tangkai tak mai an dawng thei chu a lawmpui thu leh LAD kaltlanga dawng an nih thu a sawi a. Khawtlang tana tangkai taka hmang tur leh dimdawi taka enkawl turin a chah a ni.

◀ India ram chhunga Panchayati Raj-in hma a sawn theih nan leh an thiamna leh theihna tihpun a nih theih nan MoPR hnuaiah NIRD &PR, Hyderabad chuan School of Excellence in Panchayati Raj System, a din a, hemi hnuaiah hian SIRD/SPRC te tihchakna atan Capacity Building Consultant & State Quality Monitor-te dah an ni a, SIRD&PR, Mizoram-ah pawh Mr. Malay Paul chu dah a ni.

## LAD Minister-in Village Council 88-te hnenah Desktop Computer sem

LAD Minister Pu C.Lalsawivunga Officer chamber-ah ni 31.7.2024 khan Village Council 88-te hnenah Computer Set semna hun hman a ni.



Computer Set semna inkhawm hi Pu Chuahhuna, Director, LAD-in a kaihhruai a, LAD Minister chuan VC 88 hnenah Computer set pakhat theuh sem tur a ni a, VC 88-te inkohkhawm a hautak avangin, VC 88-te aiawh atan Sumsuih leh Nisapui VC te hnenah computer set hi sem a ni ta zawk a ni. Computer semte hi Rashtriya Gram Swaraj Abhiyan (RGSA) Scheme hnuaia mi niin; Ministry of Panchayati Raj kaltlanga dawn a ni a. Mizoram tana

RSGA Nodal Department chu Local Administration Department a ni. RGSA Scheme hian a tum ber chu tualchhungah Sustainable Development Goals (SDGs) an tihhlawhtlin theihna tura Village Council-te tihchak leh thumchak a ni a. Training chi hrang hrang hmanga VC-te hriatna leh thiamna tihhmasawn te, khawtlang rorelna leh inrelbawlina hmunpui an neihna tur atana Panchayat Bhawan (VC House) sak te, tualchhung mipuite tana tangkai zawk leh awlsam zawka rawng an bawl theih nan Computer leh Common Service Centre VC-te hnenah pekte hi RGSA Scheme hian a tum a ni, a ti.



LAD Minister chuan VC member-te fuihna thu sawiin, VC member-te hi (Phek 2-na-ah zawmna)

**Editor-in-Chief:** Ethel Rothangpuii, Director  
**Editor:** Lalchandama Lailung, Core Faculty (IT)  
**Jt. Editor :** Malsawmdawngliana, IECM  
**Cir. Manager :** Zothantluanga, IEC Facilitator

**Editorial:** 

### ***FAINA LEH THIANGHLIMNA KAWNGAH TAN ILA ANGU***

*Tunlai Khawvel changkanna hian Mizote pawh nasa takin min kaihruai a. Kawng hrang hrangah hma kan sawn chak em em a ni. Ram changkang zawk leh hnam changkang zawkte tihdan leh nun dante kan entawn nasa em em a. Chutih rual chuan kan entawn ram changkang zawkte Faina leh Thianghlimna erawh kan entawn lo hle niin a lang a ni.*

*Faina kawnga hma kan sawn theih nana pawimawh hmasa ber mai chu kan bawlhhlawhte bawlhhlawh bawm leh bawlhhlawh paihna tura ruahmanah chauh paih thin hi a ni awm e.*

*Kan kalna hmun apianga kan ei leh inna kawr/bawm ruakte kan paih mai zelte leh kham leh kawr remchang laia midangin min hmuhloh avanga paih mai kan chingte hi Faina kawnga kan hmasawn theihlohna langsar tak niin alang.*

*Hemi kawngah hian tualchhung roreltu Village Council (VC) te pawh hian kan tih tura Dan-a inziak a nih ang ngeiin hmalakna tur kan nei a ni. Kan khua/veng a lo fai theih nan leh kan lo thianghlim zawk theih nan VC-te'n khawtlang mipuite nen tangtlang a, Vantlang Rorel Inkhawm (Gram Sabha) ah te Faina kawnga hma kan sawn theih nan engtinngge hma kan lak ang tihte thurel turah te kan chhawp-chhuah a, hmalakna turte ruahmanna kan siamte pawh a tul hle a ni.*

*Tin, bawlhhlawh bawm-te a khat mawi tawka khawchhunga dah a, a khah tak tak hma-a a paihna tur hmuna kan paih zelte pawh a tul dawn a ni tih hria a ruahmanna kan siamte pawh a ngai a ni tih hriain Faina leh thianghlimna kawngah hma i la ang u.*

*(phek 1-na ami chhunzawmna)*

## **LAD Minister-in Village Council 88-te hnenah Desktop Computer sem**



mipui kaltlanga Pathian in khawtlang inrelbawlna-a a fawng vuantu tura a ruatte in ni a. Rinawm tak leh taima takin thawk ula, in rinawmna chu Pathian hnenah

rinawmna ni rawh se, Pathian hnenah kan rinawmna hian rinawmna dang dang a huam vek a ni. Hleih neih miah lova khawtlang rorelna kalpuite hi Pathian hnenah rinawmna chuan a huam vek a ni, a ti a. Computer set tha tak in dawn hian khawtlang rawng inbawlna kawnga IT kaihnawih thilah nasa takin a pui dawn che u a, kawng hrang hranga VC mawhphurhna inhlenna tur kawngah pawh inhman tangkai zel theih nan duhsakna ka hlan che u a ni, a ti. Minister chuan VC inrelbawlna Dan thar duangin, consultation neih mek a ni a, VC inthlan leh hunah chuan VC dan thar hnuaiyah kan inthlan theih pawh kan beisei hle a ni, a ti a. Panchyat Bhawan (VC House) pawh kuminah a tam thei ang ber sak tum a ni, a ti bawk.



Pu Lalchawimawia, Jt. Director, LAD chuan report pein, “RGSA hnuaiyah hian nikumah Computer set 261 lo semchhuah tawh a ni a, tuna 88 kan sem nen chuan a vaiin 349 kan semchhuak tawh a ni,” a ti a. “Computer set semte hi Government e-Marketplace (GeM) kaltlang veka lei an ni a. Computer brand tha leh lar tak Acer a ni a, VC-ten Computer configuration tha tak an dawng thei tur hi LAD pawh kan lawm hle a ni. RGSA Scheme hian Mizoram chhunga VC zawng zawng Autonomous District Council area-a mite nen a huam vek a. VC zawng zawngin Computer an neih vek theih nan Sawrkar chuan theihtawpin hma a la mek a ni,” a ti bawk.

## RD Minister-in tlawh

Ni 6.8.2024 khan Rural Development Minister Prof. Lalnilawma chuan Khawzawl District-a MzSRLM Commercial Centre Puilo leh Chawngtlai khua-a mite chu a tlawh a. Sawrkar hotute, kuthnathawktute leh khawtlang hruaitute nen hmasawna kalpui dan tur a hmunah an sawiho.



RD Minister hian a department chandang PHE Department, Khawzawl WATSAN Division pawh a tlawh a, hmasawna kal dan a hmun ngeiah enfiain, thawktute nen hmasawna tur hrang hrang sawiho a ni.

RD Minister hi Dr. KC Lalmalsawmzauva, Adviser to CM (Handholding); Pu C.H. Lalmuanpuia, Director, Horticulture Deptt.; Pi Lalchandami, CEO, MZSRLM leh Er. Lalchawimawia, Under Secretary, PHED ten an tawiam a ni.

## Union Minister kawm

Ni 23.7.2024 khan RD Minister Prof. Lalnilawma chuan Union Minister, Shri Shivraj Singh Chouhan, Ministry of Rural Development chu a Office, New Delhi-ah a kawm.

RD Minister chuan Mizoram mamawh chi hrang hrang a thlen zingah MGNREGA - Cluster Facilitation Project (CFP) hnuai hnthawkte hlawh tur Cheng 2.47 Cr. dawn a la nih loh thu thlenin, Union Minister chuan rang taka pek chhuah a nih theih nan a t̄ul ang a bawhzui nghal a nih tur thu sawi a ni.



## RD Minister-in kawm

RD Minister Prof. Lalnilawma chuan MzSRLM hnuai SHG member-te 16.7.2024 khan biak hmuh theihna (video conferencing) kaltlangin kawmna hun a nei a. He hunah hian RD Block 28 a SHG Member-te telin SHG member hrang hrangte atangin MzSRLM kaltlanga an hamthatna hmuh te leh hma an sawna te ngaihthlak niin, hemi bakah hian SHG Member-te atanga zawhna awmte chu Minister hian a chhang baw a ni. SHG tihchangtlun zel dan tur leh nasa lehzuala SHG member-ten hma an lak zel theih dan tur sawiho a ni baw.



Mizoram State Rural Livelihoods Mission (MzSRLM) hnuai hian District 11 leh Rd Block 28 ah hmalakna nei mekin, an hnuai hian Self Help Group Member 10,425 din an ni tawh a, member 81,829 an awm mek a, SHG member te hi eizawna ngelnghet an neih theihna turin kawng hrang hrang puih niin Community Funds an puk tur pek an nih bakah an eizawna atana an mamawh training hrang hrang pek thin an ni baw.

RD Minister Prof. Lalnilawma hi RD Commissioner & Secretary Pu R. Zarzosanga leh Pi H. Lalchandami, Chief Executive Officer (CEO), MzSRLM ten an telpui a. District leh Block Headquarters atangin Project Directors leh BDO ten an telpui baw.



## INCHUNG RUAHTUI KHAWL

- Er. C. Lalthlansanga,  
Core Faculty (RE), SIRD&PR, Mizoram.

**KAMKEUNA:** Inchung ruahtui khawl hi Mizo-ten hun reitak aṅanga kan lo tih ṭhin leh kan chhawm chhawn zel ṭhil ṭha tak a ni a, amaherawhchu, kan lakkhawm dan phung leh khawlkhawmna tuizem kan siam dante hi mumal taka duan leh kan mamawh mila duan (design) a ni ṭhin lova, ruah a kiam ruala tui harsa leh mai ṭhin kan nihna ala reh thei meuh lo hi kan vei a hun tawh hle a ni. Sawrkar tui sem a inngat tlat lo tur leh mahni a tui khawl hi kan inzirtir a hun tawh hle a, kan tuihna neih leh lui tui (Natural water resources) te an kam zel rualin mihring kan pung zel bawk avang hian, sawrkar pawh hian hetiang lam hawi scheme ruahmanna neih pawh hi a hun tawh hle kan ti thei awm e. Tuizem Subsidized emaw mimal tana tuizem lian neih awlsam theihdan kawng dap leh inchung ruahtui khawl a nih theihna tura hmalak hi a hun takzet tawh a ni.

### Inchung ruahtui khawlina in a ken telte

- i) Inchung zau zawng (catchment area)
- ii) Runoff Coefficient : 0.7 – 0.9
- iii) Kumkhat chhunga ruahtui tla zat
- iv) Tuidawn leh tui pipe ruahtui tuizem thlentu
- v) Hnah leh bawlhhlawh lo thliar tu (Screen)
- vi) Tui thlitfimna/bawlhhlawh nawi thlitfimna (Filters/sedimentation tank)
- vii) Ruahtui khawlina tur tuizem ṭha tak

### Inchung aṅanga ruahtui khawl theih zat chhutna:

Inchung aṅanga ruahtui kan khawl theih zat hre tur chuan hengte hi kan hriat hmasak a ngai

- Kumkhat chhunga ruahtui tla zat (Annual rainfall) : 1958.5 mm = 1.958 m
- Inchung zauzawng/ruahtui dawhthleng (Catchment area) : 50 sqm (lo ni se)
- Inchung tui luankhawm theihna tehfung (runoff coefficient) : 0.9 (*Rangva*)

### Tichuan tui khawl tur awm thei zat chu :

- Inchung zau zawng  $x$  ruahtui tla zat  $x$  Runoff coffecient
- $50 \times 1.958 \times 0.9 = 88.11 \text{ cum} = 88,110 \text{ litres}$  ( $88.11 \times 1000$ )

Inchung 50 sqm-a zau aṅangin ruahtui litre 88,100 zet chu kan khawl thei dawn tihna a ni a, chhungkaw member 5 in ṭhal laia tui a mamawh zat litre 21,600 let thum dawn lai mai ruahtui kan dawng tihna a ni a, intodelh thei reng kan ni tih chu a Chiang hle awm e. Heng chhut zawng zawng hi lakkhawm vek theih a ni lo a, lo luang liam tawh, a hu a kal ral, kan lakkhawm dan design fuh lo avanga tui kal ralte avangin chhutchhuah ang diak diak hi lakkhawm theih a ni kher ṭhin lo a ni.

### Ruahtuiin tuizem a luh hma-a tih theihhte:

Ruahtui lakkhawmte chuan dahkhawlina tur zem an thlen hmam sawngbawl hmasak ṭhin tur a ni a, kan awmna hmam Khawpui emaw thingtlang a nih pawhin a sawngbawl dan tur kan tarlan ang te hi thlan fimkhur a ṭha awm e. Khawpui bikah hian boruaka bawlhhlawh a tam avangin ruahtui hmasa chu a bawlhhlawh bik zual ṭhin a, filter ṭha tak siam hi a pawimawh hle. Thingtlangah chuan ruahtui hmasa paihfaina a hnuai tarlan ang hi siamin man tlawm zawkin ruahtui a khawl mai theih awm e. Kan awmna hmuna vut nawi tam dan a zir leh bawlhhlawh dan a zir zelin a hnuai a mi te hi thlan mai tur a ni. Ruahtui thianghlim zawka khawl a nih theihna tura tih ngaite chu:

**i) Leinawi tlakfimna zem siam (Settlement tank) :** Tuia lei nawi leh bawlhhlawhte a tlakfim theih nan min 15 chhung an awm lailawk theihna tur zem siam a ṭha a, chumi chhut dan chu -

- Minute 15 chhunga ruah tui tlazat chu : 20 mm or 0.02 m (*Mizoram daily average aṅanga chhutina*)
- Inchung ruah dawhthleng zau zawng : 25 sqm
- Runoff coefficient : 0.9

**Minute 15 chhunga tui kalkhawm zat :  $25 \times 0.02 \times 0.9 = 0.45 \text{ cum}$  or 450 litres.** Tichuan 450 litres tank-te chuan bawlhhlawh nawite chu a lo khawl anga, tui thianghlim chin chiah kha zemah a lut tawh dawn a ni a, he tui tlakfimna tank-ah hian lei nawi paihna tur valve vuah tur a ni. Inchung a zauh chuan he tank pawh hi a lian ve zel dawn tihna a ni.

**i) Ruahtui hmasa paihna siam:** A chunga kan han tarlan tak nen hian a danglam tam lo hle a, ruahtui hmasa paih phawt hnuai, ruahtui fim tuizem a thun a ni a, tuia bawlhhlawhte chu (*phok lehlamah zawmna*)

*(phek lehlam ami chhonzawmna)* **INCHUNG RUAHTUI KHAWL**

paih zawh a nih hnuah valve khar a, zema tui thianghlim dah loh leh mai a ni. He method ah hi chuan taimak leh ruahsur laia ina awm awm ngei ngei a ngai a, chumi a nih loh chuan ruahtui hmasa bal nawi kha zemah a lut palh thei a ni.

**ii) Balu Filter (Sand filter ) siam:** Ruahtui bawlhhlawh zualna hmun a bikin vaivut tamna leh boruak bawlhhlawhna hmun heng khawpui (urban area), induatry awmna hnai leh ramngaw leh thing tlemna hmunah te chuan filter hman theih hi a tha ber a ni. Filter hian bawlhhlawh leh mihring tana natna hlauhawm zual thlen theitu tam zawkte a thlifim a, tui quality tha zawk kan neih theih phah dawn a ni. A tirah senso tam hret mahse, tui thianghlimna tur a nih avangin leh hriselna atan a thil pawimawh tak a nih avangin siam hram a tha awm e.

Filter hi chi hnih a awm thei a, filter tank a tan hian litre 1000 dawng hi mimal leh institution ruahtui khawl nan chuan tawh thawkhat viaua ngaih a ni. Chhungkaw member tlem, member 6 hnuailam tan chuan litre 500 bawr vel hian filter tank siam a tha tawh thei mai awm e. Filter media hian tank chanve thleng awh thei tura ruahman ni se. Layer thum emaw layer li a siam a ni thin a, chungte chu a hnuai mi ang te hi an ni.

● **Sand filter :** Balu hmanga filter siam mai hi a awlsamin a tlawm a, tui thlitfimna atan hman tlanglawn tak a ni bawh a, leinawi leh bawlhhlawh mai bakah natna thlen thei tam tak a filter thei a ni. Sawilan tawh angin chhungkaw member 6 aia tlem tan chuan litre 500 dawng vela siam a tawh thei mai anga, member tam deuh tan litre 1000 dawng hman ni se. Filter mawng berah hian boulder 40mm - 60 mm lung 25 cm (10inch) vela chhah dah tur a ni a, a dawtah rawra size 12mm - 25mm lung 25cm (10inch) a chhah dah lehin, a chung berah balu fai tak dip lutuk lo 10 cm vela chhah dah leh tur a ni. Filter tank hi a let zawnga filter tleuh fai (Back wash) theihna turin tui thunna siam tur a ni a, fur zawh hma deuh ruahtui fim that tawh hnuah sil (back wash) tur a ni.

● **Sand-Charcoal filter :** Sand-Charcoal filter chu balu leh meihawl hmanga filter siam tihna a ni mai a, balu leh meihawl te hi fai taka sil hmasak vek tur a ni a, meihawl duap/hnip lutuk leh keh sam lutuk hman loh tur a ni. Layer hnuai berah boulder 40mm

- 60mm lung 25cm a chhah dah tur a ni a, a dawtah balu fai taka sil 25cm a chhah dah tur a ni a, balu dip lutuk chu hman loh tur a ni. Hemi chungah hian meihawl fai tak, chang tha leh tlo tur 10cm (4inch) dah leh tur a ni. A tawp berah hian lung nawi 25mm-40mm size 10cm a chhah dah leh tur a ni. He filter-ah pawh hian filter silfaina tur (back wash) pipe vuah bawh tur a ni. Filter hi kumtin tihfai thin tur a ni a, a inhnawhphui hma ngeia back wash tih ngei tur a ni a, fur ruahtui kiam hma ngeia tleuh fai tum tur a ni.

**Inchung ruahtui khawltuten kan hriat turte:**

- Tui kan khawlsa-te chu tosi inthlahpun theihna awm lo turin a chhin uluk taka siam tur a ni.
- Boruak lut thei tura siam tur a ni a, boruak a loh loh chuan tuia tawih thei thil (organic material) a up tawih palh thei a, rimchhia a siam palh thei.
- Tui dawn tui chu zemah a lut tha ngei tur a ni a, tui mumal lo taka luntir loh tur a ni. Side drain-ah emaw tui paihna mumal tak siam tur a ni, leimin leh bankhur tlakhniamna a thlen theih avangin fimkhur tur a ni.
- In hmun awihah chuan lei hnuai ah inchung tui put luhtir loh tur a ni.
- Tui kan khawlte chu damdawi hmanga disinfect (tihthianghlim) a tha. Tui litre 1000 zelah bleaching mum (tablet) khat telh theih a ni a, Sodium Hypochloride (NaOCl) hi tui litre 1000 zelah 100ml telh theih bawh a, bleaching powder hi tui litre 1000 zelah 16 g a telh theih bawh.

**VEC Training nei**

Siaha RD Block huam chhunga MGNREGS hnuai VEC-te tan ni 25&26.7.2024 khan BRC Hall, BDO Complex, Siahatla-ah training buatsaih a ni a, PD, DRDO, Siaha District Pu M. Misael chuan training hawna inkhawm hi hmanpuin, BDO Pu Manesia Khaimeichho chuan he hun hi a kaihruai a ni.



Pu C. Lalremruata, WM, DEGSU; Pu Elson Eliasa Notlia, BFT; Pi C. Galilee, APO leh Pu Chhithatu Hlychho, TA-te chuan zirtirna a pe a ni.

**Ni 11.7.2024 - 16.8.2024 chhunga Training neihte**



**Trg. on Entrepreneurship for Rural Youth @ SIRD&PR. Course Director: Pu Lalchhandama Lailung, Core Faculty, SIRD&PR.**



**Trg. on Accounts & Record Keeping for WATSAN Members of Tipa RD Block of Siaha District @ BDO Conference Hall, Tipa. Course Director: Pu K. Vanlaldika, Head Faculty, DPRC, Lawngtlai/Siaha.**



**Trg. on Life Skills for Sustainable Development for Rural Youth-Soft Skills @ SIRD&PR. Course Director: Dr. Lahruaitluangi Sailo, Sr. Core Faculty, SIRD&PR.**



**Trg. on Accounts & Record Keeping for WATSAN Members of Lawngtlai RD Block @ MJA Press Club, Lawngtlai. Course Director: Pu K. Vanlaldika, Head Faculty, DPRC, Lawngtlai/Siaha.**



**Refresher Course for MGNREGS Functionaries @ SIRD&PR. Course Director: Dr. Khuangthansanga Pakhuangte, Associate Professor, SIRD&PR.**



**Trg. on Accounts & Record Keeping for WATSAN Members of Bilkhawthlir RD Block @ ETC, Kolasib. Course Director: Pi T. Lalchhanhimi, Faculty, ETC, Kolasib.**



**Awareness on Digital Literacy for Rural Youth of Tlangnuam RD Block @ Muthi. Course Director: Pu Lalchhandama Lailung, Core Faculty, SIRD&PR.**



**Trg. on Capacity Building for District Staff of PMKSY-WC 2.0 @ SIRD&PR. Course Director: Dr. MS Dawngliani & Dr. Khuangthansanga Pakhuangte, Associate Professor, SIRD&PR.**



**Trg. on LSDG Theme 5 (Clean & Green Village) @ Lawngtlai Press Club. Course Director: Er. Zomawia Huhnar, Faculty, SPRC, SIRD&PR.**

## RD Minister-in RMIS hnuaiabungrua semchhuahna hmanpui

Rural Development Conference Hall, Chanmari-ah North Eastern Council (NEC) hnuaiabungrua Rural Monitoring & Information System (RMIS) kalpui nana Computer set leh hmanraw dangte sem chhuahna hun ni 11.7.2024 khan hman a ni a, RD Minister Prof. Lalnilawma chuan he hun hi Khuallian niin a hmanpui.



Minister Prof. Lalnilawma chuan RD Department tihchangtlun nana RMIS (NEC) a taka hman theih tura ruahman a ni ta chu a sul lo su hmasatute thawhhrimna leh inpekna vang a nih thu sawiin, a thil tum tihhlawhtlin ngei a nih theih nan tuna thawktute an pawimawh hle thu a sawi a. Mipuiin RD Department awlsam zawka an dawr theih nan leh hmasawna hna sawt zawka kalpui a nih theih nan RMIS chu tangkai taka hman tura chahin, a nih dan tur ang taka hman a nih theih nan thawktute pawhin a hman dan zir thiam tum vek turin a chah bawka a ni.

RD Minister chuan Ruahmanna tha siam tur chuan thawktuten tawnhriat an neih tam a tul thu a sawi a ni. RMIS kalpui bungrua-te chu tangkai taka hman a nih theih nan RD Secretariat, Directorate of RD, DRDO Office 11 leh RD Block Office 28 aiawh-a lo kalte hnenah a hlan nghal a ni.

RMIS hnuaiabungrua sem chhuahna hun hi Pu K. Lalrohluah, Director, RD Department chuan kaihruaiin, Pu A. Chhalai, Executive Engineer, RD Department chuan Technical report a pe bawka.

NEC Scheme hnuaiabungrua RMIS Project hian Computer 55 leh a kaihhnawih hmanraw dangte, Software Development-te, Server System-te leh Project atan a Skill Development Training a huam a. RMIS Project hi cheng Nuai 249.00 hu niin, NEC atangin 1<sup>st</sup> leh 2<sup>nd</sup> Installment atan nuai 200.096 hmuh tawh a ni a, nuai 48.904 hmu leh tura beisei a ni. He Project hian a tum chu RD Department

Office hrang hrangte software application hmanga thlunzawm a ni a, RD Department hnuaiabungrua hmalakna tha zawk leh chak zawka kalpui a nih theihna atan a ruahman a nih thu tarlan a ni.

RMIS hnuaiabungrua sem chhuahna hun hman zawh hian RMIS hmanga hnathawh dan hrang hrang entirna hun Director, RD Department pisa-ah neih leh a ni. RD Minister hian Directorate of RD building fang kualin thawktute nen inkawmhona hun a hmanpui bawka a ni.

## Social Audit Review Meeting nei

Sorkar scheme hrang hrang kalpuinaa sum hman dan endik hna thawktu Social Audit Unit (SAU), Mizoram buatsaihin DRDO Conference Hall, Aizawlah ni 30.7.2024 khan Mahatma Gandhi NREGS hnuaiabungrua Social Audit neih zawh tak thlirletna, Review Meeting neih a ni.

He review meeting hi SAU Director, Pi C. Laltleipui'n a kaihruai a, Pu Danny Lalchhuanawma, Under Secretary, RD Department chuan a rawn telpui bawka a ni. SAU Director chuan kalkhawmte lawmna thu sawi pahin social audit neih a tulna chhan leh a pawimawhna-te a sawi a ni.

He meeting-ah hian June thla chhunga NREGS hnathawh endikna (social audit) neih taka hmuhchhuah hrang hrangte sawihona neih a ni a, Resource Person-te report atangin District leh Block hrang hranga hmalak chhunzawm turte leh bawhzui ngai, insiamthat ngai, tul leh pawimawh tak tak awmte chu bawhzui zel dan tur sawiho a ni bawka.

MGNREG Act, 2005 Section 17-na leh MGNREG Audit of Scheme Rules, 2011-in a phut angin MoRD, Govt. of India hnuaiabungrua Centrally Sponsored Scheme zawng zawngah chuan Gram Sabha hmanga social audit hi neih vek tura tih a ni a. Hmasawna hnathawh hrang hrang leh Social Security Scheme hrang hrangah Social Audit Unit, Mizoram hian Sawrkarin a bituk ang zelin social audit hi a kalpui mek zel bawka a ni. Mizoram pumah MGNREGS atan hian vawi 3,500 vel social audit hi neih tawh a ni a. Kumin chhung hian Mizorama khua awm zawng zawngah social audit hi neih chhuah vek tuma hmalak mek a ni bawka.

## Hon'ble Minister of State for RD Pu Kamlesh Paswan-in BDO Office, Aibawk RD Block tlawh

Ni 10.8.2024 tlai khan Union Hon'ble Minister of State for Rural Development Pu Kamlesh Paswan chuan BDO Office, Aibawk RD Block a tlawh a. Minister hi Pu KM Singh, Director, PMGSY leh Pu K. Hrahmo, MLA-ten an tawiawm a ni.



Hon'ble Minister of State Pu Kamlesh hi BDO Conference Hall, Aibawkah RD official te, Khawtlang hruaitute, RD Department hnuai Scheme hrang hranga Beneficiary-ten lo hmuakin, inkawmhona hun hlimawm tak an hman.



He inkawmhona hun hi Pu R. Zarzosanga, Commissioner & Secretary, RD Department chuan kaihruaiin, Pi Esther Leihang, BDO, Aibawk R.D Block chuan PowerPoint presentation hmangin BDO Office, Aibawk RD Block hmalakna hrang hrang leh hmachhawp mekte tarlangin, report a pe a ni.

Inkawmhonaah hian thu sawiin, Minister Pu Kamlesh chuan Prime Minister Narendra Modi hian India Hmarchhak state-te kawng hrang hranga tihmasawn hi a tum hle a, kawng hrang hrangin hmasawna rahbi pawh tuk mek a ni. Chuvangin,

kei pawhin ka Ministry chan hnuai hmasawna hnathawh mekte dinmun leh eng harsatna nge an tawh tihte hre turin ka lo tlawh che u a ni, a ti. Minister chuan Aibawk RD Block hnuai heng Scheme hrang hrang: Pradhan Mantri Awaas Yojana-Gramin (PMAY-G) Pradhan Mantri Gram Sadak Yojana (PMGSY), MGNREGA, Deen Dhayal Upadhaya Grameen Kaushalaya Yojana (DDU-GKY), MzSRLM, etc. viltu leh buaipitu official-te chu chipchiar takin an hmalaknate zawtin, beneficiary-te hnenah pawh harsatna an neihte zawtin, inkawmhona hun an hman a ni.



Pu Kamlesh Paswan hian BDO office, Aibawk RD Block a tlawh hma hian Muallungthu khuaa PMAY-G (Housing for All) hnuai sak Pu MS. Dawngliana In chu a tlawh bawk a ni.



Ni 10.8.2024 thimhlim khan Raj Bhavan-ah Union Minister of State for RD Pu Kamlesh Paswan hian Governor Dr. Hari Babu Kambham-pati a kawm bawk a ni.

*Published by Ethel Rothangpuii on behalf of State Institute of Rural Development & Panchayati Raj, Mizoram, Durtlang Leitan, PIN - 796015.*

Phone : (0389) - 2362551; e-mail: [dirdsirdmz@gmail.com](mailto:dirdsirdmz@gmail.com); Website: [sirdpr.mizoram.gov.in](http://sirdpr.mizoram.gov.in).  
[facebook.com/SIRDPRMizoram](https://facebook.com/SIRDPRMizoram); [instagram.com/sirdpr\\_mizoram](https://instagram.com/sirdpr_mizoram); [youtube.com/user/dirdsirdmz](https://youtube.com/user/dirdsirdmz).

**Funded under RGSA through Local Administration Department (LAD), Govt. of Mizoram.**

*Printed at Ebenezer Offset, Luangmual, Aizawl.*